

Na osnovu člana 25. stav 4. Zakona o Fondu za zaštitu okoliša Federacije Bosne i Hercegovine („Službene novine Federacije BiH“ broj:33/03), Odluke o usvajanju Programa utroška sredstava sa pozicije Grant za zaštitu okoliša utvrđenih Proračunom Županije Posavske za 2019. godinu („Narodne novine Županije Posavske“ broj 3/19) i Odluke o raspisivanju Javnog poziva za raspodjelu sredstava iz Granta za zaštitu okoliša utvrđenih Proračunom Županije Posavske za 2019.godinu broj:05-23-106/19 od 10.09.2019. godine, Ministarstvo prometa, veza, turizma i zaštite okoliša Županije Posavske (u daljem tekstu: Ministarstvo) raspisuje:

JAVNI POZIV za prikupljanje zahtjeva za sufinansiranje projekata zaštite okoliša

I. PREDMET JAVNOG POZIVA

Predmet javnog poziva je prikupljanje prijave za programe/projekte za raspodjelu sredstava koja će se odnositi na sufinansiranje projekata za zaštitu okoliša, zaštitu prirode, zaštitu zraka, upravljanje otpadom, projekata energetske učinkovitosti, podizanje svijesti javnosti i drugih sličnih aktivnosti.

LOT 1 - Projekti za programe, projekte i slične aktivnosti iz područja zaštite okoliša kao podrška razvoju lokalnih zajednica:

- Raspoloživi budžet: 100.000,00 KM

LOT 2 - Projekti za programe, projekte i slične aktivnosti iz područja zaštite okoliša javnih poduzeća, udruženja neprofitnih organizacija:

- Raspoloživi budžet: 50.000,00 KM

II. USLOVI KOJE PODNOSITELJI PRIJAVE MORAJU ISPUNJAVATI

Pravna lica kojima se dodjeljuju finansijska sredstva (u daljem tekstu: Korisnici) moraju ispunjavati sljedeće uslove:

1. Da imaju sjedište na teritoriji Županije Posavske,
2. Da aplicirane projekte realiziraju/implementiraju na području Županije Posavske,
3. Podnesu zahtjev za korištenje finansijskih sredstava u skladu sa objavljenim Javnim pozivom,
4. Udovoljavaju i drugim uslovima utvrđenim Javnim pozivom,

Prijave programa/projekata Korisnika dostavljaju se na posebnom prijavnim obrascu i treba da sadrže:

1. Ime aplikanta/podnositelja prijave,
2. Naziv i opis projekta,
3. Ciljevi projekta
4. Finasijske podatke o projektu koji je predmet prijave,
5. Aktivnosti koje će se provesti da bi se postigli postavljeni ciljevi,
6. Dinamiku provođenja projekta,
7. Finasijsku analizu,
8. Opis očekivanih rezultata projekta,
9. Mjerljivost ostvarenja ciljeva koji se postižu realizacijom predloženog projekta.

III. PRAVO UČEŠĆA

Pravo učešća u javnom pozivu imaju sve općine, komunalna preduzeća, preduzeća i obrti registrirani za prikupljanje sekundarnih sirovina i upravljanje otpadom, nevladine organizacije i udruženja građana, javne ustanove, obrazovne institucije, kako slijedi:

LOT 1: Jedinice lokalne uprave, komunalna preduzeća.

LOT 2: Jedinice lokalne uprave, komunalna preduzeća, preduzeća i obrti registrirani za prikupljanje sekundarnih sirovina i upravljanje otpadom udruženja građana/ nevladine organizacije registrirane za zaštitu okoliša, javne ustanove, obrazovne institucije.

IV. POTREBNA DOKUMENTACIJA

Sredstva iz Javnog poziva dodjeljuju se na osnovu zahtjeva i obavezne dokumentacije.

Svi dokumenti koji se predaju uz zahtjev kao osnovna dokumentacija moraju biti originali ili ovjerene kopije, ne starije od 3 mjeseca.

Posebna dokumentacija mora biti pregledna, vjerodostojna i tehnički korektna.

Nekompletni zahtjevi se neće razmatrati.

Dokumenti koji se šalju na Javni poziv se ne vraćaju podnosiocu prijave.

Podnosiocu prijave moraju projekat realizirati na području Županije Posavske.

Obavezna dokumentacija mora sadržavati:

- Prijavu projekta na Javni konkurs - popunjen i potpisan obrazac od strane odgovornog lica (preuzima se sa web stranice: www.zupanijaposavska.ba).
- Dokaz o registraciji aplikanta kod nadležnog suda (aktuelni izvod iz sudskog registra ili sudsko rješenje o izmjenama podataka – odnosi se na pravna lica, izuzev jedinica lokalne samouprave) ili kod nadležnog organa, u zavisnosti gdje je subjekt registrovan (odnosi se na udruženja odnosno nevladine organizacije). Datum izdavanja dokaza o registraciji ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena od strane nadležnog organa;
- Uvjerenje o poreskoj registraciji - ID broj i PDV broj ukoliko su PDV obveznici (ovjerena kopija).
- Ovjerenu izjavu o namjenskom trošenju sredstava (ovjerena kod nadležnog organa uprave ili notara).
- Ako se radi o sufinansiranju, ovjerenu izjavu o visini sredstava s kojima će aplikant učestvovati u sufinansiranju realizacije projekta koji predlaže (ovjerena kod nadležnog organa uprave ili notara).

V. OSNOVNI KRITERIJI ODABIRA

1. Pripremljenost projekta u skladu sa zahtjevanim sadržajem programa (sveobuhvatnost, projektno partnerstvo, broj korisnika i obuhvat populacije, angažman volontera ili nezaposlenih, ciljna grupa kojoj je projekat namijenjen).
2. Realnost budžeta i vlastito učešće (sufinansiranje).
3. Step en ugroženosti okoliša u postojećem stanju, koji je predmet projektnog zadatka.
4. Izvještavanje o utrošku sredstava dodijeljenih po osnovu prethodnih javnih poziva Ministarstva.
5. Referentna lista već implementiranih sličnih projekata.
6. Rokovi za realizaciju, spisak i reference eksperata koji će biti angažirani na realizaciji projekta.
7. Održivost projekta.
8. Mjerljivi efekti kao što su: originalnost u pristupu promotivnim i edukativnim aktivnostima, inicijative u slabije razvijenim zajednicama i učinak projekta na okruženje i zajednicu.

VI. VREDNOVANJE PROJEKATA

Vrednovanje i rangiranje projekata pristiglih na Javni poziv vršit će posebna komisija koju imenuje ministar Ministarstva.

Komisija razmatra zahtjeve i dokumentaciju zaprimljenu na osnovu Javnog poziva, ocjenjuje ispunjenost uslova i kriterija za odobravanje projekta i prijedlog dostavlja ministru koji donosi konačnu Odluku o korisnicima sredstava.

Prije donošenja konačne odluke o odabiru ministarstvo zadržava pravo da od predlagača projekata traži dodatna pojašnjenja dokumentacije, kao i pravo odbijanja pristiglih projekata bez posebnog obrazloženja.

Sa odabranim predlagačima zaključit će se ugovor o međusobnim pravima i obavezama u realizaciji projekta koji se finansira/sufinansira. Nakon završetka projekta odabrani predlagači su dužni dostaviti izvještaj o namjenskom korištenju dobivenih sredstava.

VII. OPĆE ODREDBE

Prijava za učestvovanje s obaveznom projektnom dokumentacijom dostavlja se lično ili putem pošte na adresu:

Ministarstvo prometa, veza, turizma i zaštite okoliša, Jug I bb, Obilaznica, 76270 Orašje.

Prijava se dostavlja u zatvorenim neprovidnim kovertama sa naznakom:

„Ne otvaraj - Prijava na Javni poziv LOT br. _“.

Rok za podnošenje prijave na Javni poziv je 20 dana od dana objave na web stranici Vlade Županije Posavske.

Ministarstvo ne snosi nikakve troškove podnosioca prijave, nastale sačinjavanjem i predajom prijave, a podnositelj prijave nema pravo na naknadu bilo kakvih troškova po osnovu sudjelovanja na Javnom pozivu.

Javni oglas će biti objavljen na web stranici Vlade Županije Posavske.

Sve dodatne informacije vezano za Javni poziv mogu se dobiti u Ministarstvu ili na telefon 031/762-703 i 031/712-235.

MINISTAR

Anes Osmanović mag.krim.